

Бузишга яроқли инсонлар қуришга қодир эмаслар



17:00 / 21.11.2021 2352

Султон Сулеймон Қонуний эски саройларидан бирини бузиб уни янгидан қурмоқчи бўлди. Мамлакатдаги энг моҳир муҳандисни суриштирди. Унга муҳандис-меъмор Синон бу ишда моҳир эканлигини айтишди. Султон муҳандисни топдириб унга мақсадини айтди. Меъмор Синон ушбу вазифани гарданига олиб тезлик билан ишга киришди.

Шу ергача масала табиий кўринади. Ғайритабиийсига келсак, султон Сулеймон қурилишнинг икир-чикиригача ўзи назорат қилиб борди. У меъмор Синоннинг саройни бузишда ишлатган ишчиларни янги саройни қуришда ишлатмаганлигини кўрди. У меъморни чақиртириб сўради:

- Нега эски саройни бузишда ишлатган ишчиларни янги саройни қуришда ишлатмадинг?

Меъмор жавоб берди:

- Султон ҳазратлари! Бузишга яроқли инсонлар қуришга яроқли бўлишмайди!

Биродарлар! Мана шуни ўзимизга қоида-асос қилиб олишимиз лозим. Бузишга яроқли инсонлар қуришга қодир эмаслар.

Сизга жароҳат етказғанлар сизни даволашга қодир әмаслар. Дардингизга давони сизни жароҳатлаганлар ҳузуридан қидирманг.

Күзингизни ёшлатғанлар күз ёшиңгизни артишга қодир әмаслар.

Юзингизга тарсаки урганлар сизни үша құллари билан қучоқлашга қодир әмаслар.

Қалбингизни жароҳатлаганлар күнглингизни олишга қодир әмаслар.

Инсонларга құшимча фурсат беришдан тийилинг. Баъзи инсонлардан яхшилик кутмаслик ҳам етуклиқ ҳисобланади.

Қалби қаттиқ бўлинг, демоқчи әмасман. Мен юмшоқликни севаман ва унга даъват қиласман. Жароҳатларини маҳкам ушлаб инсонларни кечирадиганлар мени асир қиласди. Мен айтмоқчи бўлган гап шуки, инсонларнинг қўлларида ўйинчоқ бўлиб қолмайлик. Бизни соддалигимиздан инсонлар кулишмасин!

Ҳаммамиз ҳам хато қиласми, ёмонлик қилиб қўямыз. Бошқалар ҳам хато қилганимизда кечиришлари учун кечиримли бўлишга эҳтиёжимиз бор.

Ортидан узр сўраладиган, кўнгил олинадиган, силанадиган, кўз ёши артиладиган ўткинчи хато бу бошқа нарса.

Ҳукумат бошқарувида ҳам бу фикрдан фойдаланса бўлади. Вайрон қилганларни ҳадеб мансаб-вазифага қўявермаслик керак. Миллат мулкига зарар етказаётганларни, ўғирлаётганларни мансаблардан четлаштириш лозим. Улар вайрон қилишдан бошқа нарсани билишмайди.

Ёмонликдан доимий эҳтиёт бўлмоғимиз лозим!

Абдулқодир Полвонов тайёrlади